



YEREVAN  
STATE  
UNIVERSITY



**ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ  
ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ,  
ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ  
ԵՎ  
ՃԱՐՏԱՐԱՊԵՏՈՒԹՅԱՆ ԵՎ ՇԻՆԱՐԱՐՈՒԹՅԱՆ ՀԱՅԱՍՏԱՆԻ ԱԶԳԱՅԻՆ  
ՀԱՄԱԼՍԱՐԱՆԻ ՄԻՋԵՎ**

ք. Երևան

« 10 » 01 2023 թ.

«Երևանի պետական համալսարան» հիմնադրամը (այսուհետ՝ ԵՊՀ), ի դեմս ռեկտոր Հովհաննես Հովհաննիսյանի, որը գործում է կանոնադրության հիման վրա, «Հայաստանի ազգային ագրարային համալսարան» հիմնադրամը (այսուհետ՝ ՀԱԱՀ), ի դեմս ռեկտոր Վարդան Ուռուտյանի, որը գործում է կանոնադրության հիման վրա, «Ճարտարապետության և շինարարության Հայաստանի ազգային համալսարան» հիմնադրամը (այսուհետ՝ ՃՇՀԱՀ), ի դեմս ռեկտոր Եղիազար Վարդանյանի, որը գործում է կանոնադրության հիման վրա (այսուհետ՝ Կողմեր)։

- բարձր գնահատելով գործընկերությունը, համագործակցությունը Աշխարհագրական տեղեկատվական տեխնոլոգիաների (GIT) ոլորտում,
- զարգացնելու համար արդեն ձևավորված համագործակցությունը,
- Աշխարհագրական տեղեկատվական համակարգերի ոլորտում ձեռք բերված փորձը, գիտելիքը, հմտությունները և կարողությունները՝ կրթական ծրագրերի, գիտահետազոտական աշխատանքների որակը բարձրացնելու նպատակով,
- նորարարական առաջարկները և արդի տեխնոլոգիական լուծումները համատեղ հետաքրքրություն ներկայացնող ասպարեզներում խթանելու համար,
- կարևորելով ակադեմիական, ուսանողական, գիտական և մշակութային համագործակցությունը համալսարանների զարգացման գործում,
- խրախուսելով գիտելիքի փոխանակումը, տեխնոլոգիական զարգացումը և նորարարությունը համալսարանների ու գիտահետազոտական կենտրոնների հետ գիտելիքի և համագործակցության բոլոր ոլորտներում,
- հաշվի առնելով փոխշահավետ համագործակցության նպատակը և Կողմերի պատրաստակամությունը կիրառելու իրենց հաստատությունների մտավոր, ֆինանսական և նյութատեխնիկական ներուժը,

կնքեցին սույն համագործակցության Հուշագիրը (այսուհետ՝ Հուշագիր) հետևյալի մասին.

## I. Նպատակը

1.1 Սույն Հուշագրի հիմնական նպատակն է ԵՊՀ-ի, ՀԱԱՀ-ի և ՃԾՀԱՀ-ի միջև հաստատել գործընկերային հարաբերություններ, որոնք կնպաստեն Կողմերի միջև Աշխարհատեղեկատվական տեխնոլոգիաների (GIT) ոլորտում հետբուհական բարձրագույն կրթական համատեղ ծրագրերի իրականացմանն ու զարգացմանը, ինչպես նաև կրթական, գիտահետազոտական և նորարարական կապերի ամրապնդմանը:

## II. Համագործակցության ուղղությունները

2.1 Կողմերի համագործակցությունը իրականացվում է հետևյալ հիմնական ուղղություններով.

- կրթական,
- գիտահետազոտական,
- միջազգային,
- տեղեկատվական,
- փորձագիտական և խորհրդատվական,
- նյութատեխնիկական,
- փոխադարձ հետաքրքրություն ներկայացնող այլ:

## III. Կողմերի պարտավորությունները

3.1 Սույն Հուշագրում սահմանված նպատակի իրագործման համար Կողմերը, հնարավորությունների սահմաններում, պարտավորվում են.

- մշակել և իրականացնել համատեղ հետբուհական կրթական ծրագիր Աշխարհատեղեկատվական տեխնոլոգիաների (GIT) ոլորտում,
- նպաստել Աշխարհատեղեկատվական տեխնոլոգիաների (GIT) ոլորտում դասավանդման, գնահատման և որակի մշտադիտարկման իրականացմանը՝ փոխանակելով ոլորտի գիտելիքը, փորձը և հմտությունները,
- խթանել կողմերի կառուցվածքային ստորաբաժանումների՝ ֆակուլտետների, ամբիոնների, վարչական ստորաբաժանումների, առանձին գիտահետազոտական և կրթական կենտրոնների համագործակցությունը,
- դյուրացնել ուսանողների, պրոֆեսորադասախոսական և վարչական անձնակազմի միջհամալսարանական շարժունությունը,
- իրականացնել համատեղ կրթական ծրագրի կրեդիտների փոխճանաչում,
- խթանել ոլորտի հետազոտական և զարգացման բազմակողմ ծրագրերին մասնակցությունը,

- ապահովել նյութատեխնիկական բազայի համատեղ օգտագործում՝ ըստ աշխատանքային անհրաժեշտության,
- խրախուսել գիտահետազոտական կենտրոնների, լաբորատորիաների ու մասնագիտացված այլ ստորաբաժանումների համատեղ նախաձեռնությունները և գիտելիքի, տեխնոլոգիաների փոխանակությունը,
- համատեղ իրականացնել միջազգային ծրագրեր և գիտահետազոտական աշխատանքներ,
- աջակցել միմյանց միջազգային հարթակներում գործընկերների ընտրության և գիտակրթական միջազգային միություններին անդամակցության հարցերում,
- իրականացնել հրատարակությունների և գրադարանային ֆոնդի համատեղ օգտագործում,
- տրամադրել փոխադարձ խորհրդատվություն Կողմերի գործունեությանն առնչվող հարցերի ու խնդիրների վերաբերյալ,
- համատեղ ընդլայնել աշխատաշուկայի հետ համագործակցությունը,
- բացահայտել կողմերի համար հետաքրքրություն ներկայացնող այլ ոլորտներ:

3.2 Կողմերը կարող են համատեղ իրականացնել ՀՀ օրենսդրությանը չհակասող իրենց գործունեությանը և մասնագիտացմանն առնչվող այլ աշխատանքներ:

3.3 Սույն Հուշագրի կատարումն ապահովելու համար Կողմերը առաջադրում են մեկական ներկայացուցիչ:

3.4 Կողմերի ներկայացուցիչները պարտավորվում են համատեղ կառավարել փոխգործակցության ընթացիկ հարցերը:

3.5 Կողմերի ներկայացուցիչները տարին մեկ անգամ Կողմերին ներկայացնում են միջոցառումների տարեկան ծրագիր և նախորդ տարվա կատարած աշխատանքի մասին հաշվետվություն:

3.6 Տարվա միջոցառումների ծրագրով ստանձնած պարտավորությունների կատարման համար անհաղթահարելի խոչընդոտների առաջացման դեպքում Կողմերն այդ մասին անհապաղ տեղեկացնում են միմյանց:

#### **IV. Հուշագրում փոփոխությունների իրականացումը, վեճերի կարգավորումը ու Հուշագրի դադարեցումը**

4.1 Սույն Հուշագրով համագործակցության նախատեսված ձևերը կարող են իրականացվել Կողմերի միջև լրացուցիչ համաձայնագրի կնքմամբ:

4.2 Կողմերն իրավունք ունեն Հուշագրի մեջ կատարելու լրացումներ և փոփոխություններ՝ փոխադարձ գրավոր համաձայնությամբ: Փոփոխություններն ու լրացումները կատարվում են լրացուցիչ համաձայնագրի կնքմամբ և դառնում սույն Հուշագրի անքակտելի մասը:

4.3 Սույն Հուշագրից Կողմերից ոչ մեկի համար ֆինանսական պարտավորություններ չի առաջացնում:

4.4 Կողմերի միջև վեճերը լուծվում են բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված կարգով:

4.5 Սույն Հուշագիրը կարող է լուծվել Կողմերից յուրաքանչյուրի նախաձեռնությամբ՝ այդ մասին առնվազն երկու ամիս առաջ գրավոր տեղեկացնելով մյուս Կողմերին:

### V. Հուշագրի գործողության ժամկետը

5.1 Սույն Հուշագիրը ուժի մեջ է ստորագրման օրվանից հինգ տարի ժամկետով և կարող է երկարաձգվել կողմերի համաձայնությամբ:

### VI. Եզրափակիչ դրույթներ

6.1 Սույն Հուշագիրը կազմված է հայերեն, իրավաբանական հավասար ուժ ունեցող երեք օրինակից, և յուրաքանչյուր Կողմին տրվում է մեկ օրինակ:

### VIII. Կողմերի տվյալները

**Երևանի պետական  
համալսարան**

**Հայաստանի ազգային  
ագրարային համալսարան**

**Ճարտարապետության և  
շինարարության  
Հայաստանի ազգային  
համալսարան**

Հասցե՝ Ալեք Մանուկյան 1,  
ք. Երևան 0025,  
Հայաստանի  
Հանրապետություն

Հասցե՝ Տերյան 74,  
ք. Երևան 0009,  
Հայաստանի  
Հանրապետություն

Հասցե՝ Տերյան 105,  
ք. Երևան 0009,  
Հայաստանի  
Հանրապետություն

Ռեկտոր՝ Հ. Հովհաննիսյան

Ռեկտոր՝ Վ. Ուռուտյան

Ռեկտոր՝ Ե. Վարդանյան

